

共生日神號大日靈貴大日靈貴反一書云天照大神一書云天照大日靈尊此子光華明彩照徹於六合之內故二神喜曰吾息雖多未有若此靈異之兒不宜久留此國自當早送于天而授以天上之事是時天地相去未遠故以天柱舉於天上也

日重出

〔扶桑略記二十三裏書〕昌泰四年延喜元年二月一日甲寅辰刻日三出虹各日纏迴三刻微々散失可謂

奇異

〔日本紀略村上〕天曆二年六月七日甲申是日日二見

〔百練抄四條〕永祚元年八月三日酉時日三面雙出即以混合凡近日恠異多

〔百練抄八高倉〕承安二年六月十六日或記云今日申刻兩日出現之由有閭巷說但司天之輩不見之由申之

〔吾妻鏡十七〕建仁二年正月廿八日甲戌辰一點朝日見兩輪

日光呈異狀

〔日本後紀十三桓武〕大同元年三月丙戌日赤無光兵庫夜鳴是夜月蝕之丁亥是日日赤無光

〔日本紀略淳和〕天長元年二月丙戌巳時日無光輪暈兩傍小有光宛似虹薄雲承之東西延曼亦如引

穀

〔續日本後紀仁明〕承和八年四月癸卯日色赤如血須臾復常

〔續日本後紀十三仁明〕承和十年五月己丑朔日赤无光終日不復非雲非霧黑氣亘天至于午後時々日見其色黃赤辛卯令神祇官陰陽寮解謝之是日午刻日色明潔也丙申爲鎮內裏物惟并日異屈百

法師限三箇日讀藥師經於清涼殿修藥師法於常寧殿轉大般若經於大極殿諸司醋食兼禁殺生

〔文德實錄三〕仁壽元年十月甲戌自旦日無精光日中有黑點大如李子

〔三代實錄七清和〕貞觀五年二月十九日壬子自十六日至十八日初昇白無光月初出赤如丹今日並

復舊八月十一日辛未晨日無光十二日壬申晨日無光小選復本